

መልክኦ ማርያም

ሰላም ለዝክረ ስምኪ ሐዋዝ፤

እምነ ከልበኔ ወቅሱሰጥ ወእምነ ሰንበልት ምዑዝ፤

ማርያም ድንግል ለባሲተ ዐቢይ ትዕዛዝ፤

ይሰቅየኒ ለለጽባሐ ወይነ ፍቅርኪ እዚዝ፤

ከመ ይሰቅየሉ ውኒዝ ለሠናይ እርዝ።

መልክአ ማርያም

ሰላም ለሥዕርተ ርእሰኪ ዘተንጸደ ፅፍሮሁ፤
ለአቡኪ በከፍፍሪሁ፤
ማርያም ድንግል ለእግዚአብሔር ጽርሐ፤
ለገብርኪ እግዝእትየ ኢትዓድግኒ እላሐ፤
ከመ ኢይበሉኒ ፀር አይቴኑመ ምክሐ።

መልክአ ማርያም

ሰላም ለርእሰኪ በቅብዐ ቅዳሴ ርሐሰ፤

አኮ አኮ በቅብዐ ደነሰ፤

ማርያም ድንግል ንጽሕተ ሥጋ ወነፍሰ፤

ያንጽሐኒ እምነ ርሐሰ በፍሕመ ቀረባኑ ቅዱሰ፤

አዝዚዮ ለሱራፊ ዘሰማይ ቀሲሰ።

መልክአ ማርያም

ሰላም ለገጽኪ ዘጥቀ ይልሂ፤
እምነ ከዋክብት ወወርኅ ወእምነ ፀሐይ መብርሂ፤
ማርያም ድንግል ፍናዋትየ ሠርሂ፤
በመዓልት ወበሌሊት ኢይርከበኒ ጸናሒ፤
መሥገርተ አበሳ ዘይጠፍር ወግበ ይድሂ።

መልክክ ማርያም

ሰላም ለቀራንብትኪ ደመናተ ብካይ እለ ኮና፤
አመ አሕመመ ወልደኪ ቅናተ ቀያፋ ወሐና፤
ማርያም ድንግል ለባሲተ ንጽሕ ወቅድሰና፤
አስምዕኒ ነገረ ጽድቅ ዘያስተፌሥሕ ሕሊና፤
ከመ አስተፍሥሐኪ ጥቀ ዘመልክክ ዜና።

መልክኦ ማርያም

ሰላም ለአዕይንትኪ ዘተመሰላ አብያዘ፤
እለ ይፌጽማ ትእዛዘ፤
ማርያም ድንግል እንተ ኢተአምሪ ጋእዘ፤
ናዝዝኒ በንባብኪ እመ ልብዩ ተከዘ፤
በሐብለ ሰቆቃው ጽኑዕ ኢይኩን እኅዞ።

መልክክ ማርያም

ሰላም ለአእዛንኪ እለ ሰምዓ ቃሎ፤
አግዚአብሔር እግዚእ ሶበ ለገብርኤል ተመሰሎ፤
ማርያም ድንግል ጽሕቅት ለተሣህሎ፤
ሶበ ለልብዩ እሳተ ኀዘን አሕለሎ፤
ያጽምዓኒ እላ ነገርዩ ኩሎ።

መልክክ ማርያም

ሰላም ለመላትሕኪ በእሳተ አንብዕ እለ ውዕያ፤
ጊዜ ሰቀሉ በኩረኪ ውሉደ ራኄል ወልያ፤
ማርያም ድንግል ለነፍሱ ደብረ ምስካያ፤
አድገንኒ እምአበ ደም ዘአናብሱት ሐቅል አርአያ
ከመ ማኅፈር ጠቢብ ወምእመን ኬንያ።

መልክአ ማርያም

ሰላም ለአዕናፍኪ መሳከወ ሠናይ መፀዛ፤
ይኼይሰ ፈድፋድ እምጼና ስኂን ዘጠረጴዛ፤
ማርያም ድንግል ለሕይወትየ ምርጉዛ፤
ሰዋሰው ዘምድረ ሎዛ፤ እንተ ርእየኪ ወሬዛ፤
አመ ዕለተ ፍዳ ኩንኒ ቃውመ ወቤዛ።

መልክአ ማርያም

ሰላም ለከናፍርኪ ከመ ፍሕሶ ቀይሕ፤
ሥርጉተ ቅዳሴ ወንጽሕ፤
ማርያም ድንግል ፍጥተ ጽባሕ፤
ባልሕኒ እምነ ወይሴ ወኢንግፍኒ እምላሕ፤
እስመ ለልብዩ ኀዘኑ ብዙኅ።

መልክአ ማርያም

ሰላም ለአፋኪ ዘሰዐመ ርሰነ፤
እንዘ አበ አዕሩግ ውእቱ በጊዜ ኮነ ሕፃነ፤
ማርያም ድንግል ዘትጼንዊ ሰጊነ፤
ኅፍረተ አበሳ ሶበ ገጽዩ ተከድነ፤
ለናዝዞትዩ እመ ብጽሒ ፍጡነ።

መልክአ ማርያም

ሰላም ለአስናንኪ ሐሊበ ዕጐልት ዘተዛወጋ፤
ወመራዕዩ ቅሩዓተ እለ እምሕፃብ ዐርጋ፤
ማርያም ድንግል ለደብተራ ስምዕ ታቦተ ሕጋ፤
አፍቅርኒ እንበለ ንትጋ ለብእሴ ደም ወሥጋ፤
ዘየዐቢ እምዝ ኢየኅሥሥ ጸጋ።

መልክአ ማርያም

ሰላም ለልሳንኪ ሙሐዘ ሐሊብ ወመዓር፤

ዘተነብዮ ወፍቅር፤

ማርያም ድንግል ወለተ ድጉኃን አድባር፤

ኅብእኒ እምዐይነ ፀር ፤ ወአንጽሕኒ እምነውር፤

እስመ ተስፋዩ አንቲ በሰማይ ወምድር።

መልክኦ ማርያም

ሰላም ለቃልኪ እምኦሰካለ ወይን ጥዑም፤
ወእምድምፀ ናብሊሰ አዳም ዘያረሰዩ ለሕማም፤
ማርያም ድንግል ዘብርሃነ ሕይወት ተቅዋም፤
እመ ተሐውከ ላዕሌዩ ማዕበለ ዝንቱ ዓለም፤
ከመ ያርምም ገሥዒዮ መሐሪት እም።

መልክአ ማርያም

ሰላም ለእስትንፋስኪ ዘመዓዛሁ ሕይወት፤
ከመ መፀዛ ዕፅ ጎሩይ ዘውስተ ገነት፤
ማርያም ድንግል ቤተ ቅድሳት፤
ጽንሕኒ ውስተ ሠናይ ወሠውርኒ እሞት፤
በአክናፍኪ ርግብዩ ጎሪት።

መልክአ ማርያም

ሰላም ለጉርዔኪ ሠናይ እምወይን፤

በከመ ይቤ ሰሎሞን፤

ማርያም ድንግል ለባሲተ ዐቢይ ብርሃን፤

ክድንኒ ገርዜነ ጸጋ ኢያዕጽብኒ ዕርቃን፤

ዘኢአነምዎ ጠቢባን በኪን።

መልክአ ማርያም

ሰላም ለካሳደኪ ቃማ ንጽሕ ዘፀነቀ፤
ከመ አዋልድ እኮ ብሩረ ወወርቀ፤
ማርያም ድንግል ዘተመሰልኪ ማዕነቀ፤
ሕይወትዮ በንዝህላል እመ ተሰልጦ ወኀልቀ፤
ወሰክኒ ክራማተ እሰከ እገብር ጽድቀ።

መልክአ ማርያም

ሰላም ለመታከፍትኪ እለ ግሑሣት እማንቱ፤
ለጌጋይ እምነ አርፀቱ፤
ማርያም ድንግል ለዮሴፅ ሠርጐ ትርሢቱ፤
በልኒ እግዝእትዮ ጸሐቀ ሕሊናዮ ዝንቱ፤
ፍኖተ የማን ይምራሕከ ወይትአኩት ቦቱ።

መልክአ ማርያም

ሰላም ለዘባንኪ እምዘባነ ኪሩብ ዘዐብየ፤
ሐዚሎ እሳተ ወእምርሰነ ነዱ ኢውዕየ፤
ማርያም ድንግል ፈዳሚተ ኹሉ ጸሕቅየ፤
ሀብኒ እግዝእትየ ዘተመነይኩ ሠናየ፤
እንበለ አፅርዖ ፍጡነ በጺሓኪ ዝየ።

መልክአ ማርያም

ሰላም ለእንግድዓኪ ለእሳተ መለኮት ምርፋቁ፤

ዘይቄድስ ነፍሰ ወያጥዒ ሞቁ፤

ማርያም ድንግል ለነዳይ ንዋየ ወርቁ፤

እመ ነገደ ርሐቀ ወሐረ ዕራቁ፤

ኢየጉዝን ለሲሳዩ እስመ አንቲ ሥንቁ።

መልክአ ማርያም

ሰላም ለሕፃንኪ ለጥበበ ሰማይ ምዕራፋ፤

ዘኢይትረከብ ሱታፋ፤

ማርያም ድንግል ጸጋዊተ ሰላም ወተሰፋ፤

ኩንኒ እግዝእትየ ቅድመ ፀርየ ሐገፋ፤

ከመ ፆፍ አፍኅርቲሃ ትሴውር በክንፋ።

መልክአ ማርያም

ሰላም ለአእዳውኪ እሳተ መለኮት እለ ገሠሣ፤
አውቃፈ ብሩር ወወርቅ ለሥርጋዌሆን ኢጎሠሣ፤
ማርያም ድንግል ለመካን ሕንባብ ከርሣ፤
አንጽሕኒ እግዝእትየ ለፍትወተ ዓለም እምርኩሳ፤
በዲባ ሥጋየ ኢትንበር ነጊሣ።

መልከክ ማርያም

ሰላም ለመዛርዕኪ ዘተረሰያ ኃይለ፤

ከመ ይጽራ ነበልባለ፤

ማርያም ድንግል እንተ ኅጣእኪ መምሰለ፤

ኅጢአትየ ለገብርኪ እመ ፈድፋድ ተለዐለ፤

ከመ ጥቅም ዘባቢል ረሰዱ ንሑለ።

መልክኦ ማርያም

ሰላም እንዘክብል ለኩርናዕኪ እዌድሶ፤
ለእሳተ መለኮት በላዒ አምጣነ ኮነ ትርአሶ፤
ማርያም ድንግል ምዕዝት ዘእምሐንክሶ፤
ሀልዊ ደርገ ምስሌየ እንዘ አልብኪ ተግሕሦ፤
ለሕሊና ልብየ ወትረ እንግርኪ ማኅሠሦ።

መልክኦ ማርያም

ሰላም ለእመታትኪ እለ ጸንዓ ይፍትላ፤
ሜላተ ወወርቀ በናዝሬት ዘበገሊላ፤
ማርያም ድንግል ለዮዲት ጥበበ ቃላ፤
ብጽሐ በሠረገላ ንትመሐል መሐላ፤
ከመ ታኅድርኒ በብሔር ዘተድላ።

መልክአ ማርያም

ሰላም ለእራጌታትኪ እለ ሰፉሐት ለመጥዎ፤
ሰቴ መድጌት ጽሩየ ወእክለ አሕይዎ፤
ማርያም ድንግል እሰእለኪ በተሰፍዎ፤
ከመ እክህል በበ ያታሁ ሰብሐታተኪ ዜንዎ፤
ለገብርኪ አብድ ምልእኒ ለብዎ።

መልክአ ማርያም

ሰላም ለአፃብዕኪ እምዕራጌ እዴኪ እለ ሠረጸ፤
እምኅሉልቄ ሠላሰ ወሰብዕ እንዘ ኢየሓጸ፤
ማርያም ድንግል ደብረ ኤልያስ ነቢየ ፋጸ፤
ዕቀብኒ በረድኤትኪ እምነ አርቄ ዘኖፍ፤
ህየንተ ሠናይ ለሰብእ ዘይሁብ ዐመፍ።

መልክክ ማርያም

ሰላም ለአጽፋረ እዴኪ መልዕልተ አዳብዕ እለ ሠረቃ፤
በበ ሕቅ ዘልፈ እንዘ ይልሕቃ፤
ማርያም ድንግል ማኅቶትየ በውስተ ጣቃ፤
ኢትሰድኒ ለገብርኪ ለዓመትየ በንፍቃ፤
ዝንቱ ውእቱ ለልብየ ጸሕቃ።

መልክአ ማርያም

ሰላም ለአጥባቅኪ እለ አውግዛ ፍጹመ፤
ድንግልናዌ ሐሊበ ውሰተ አፈ አምላክ ቅድመ፤
ማርያም ድንግል እንተ አምጸእኪ ሰላመ፤
ሕፅንኒ በአጥባቅኪ ለእመ ኮንኩ ደክታመ፤
ዘእንበሌኪ ኢየህሥሥ እመ።

መልክአ ማርያም

ሰላም ለገቦኪ ዘሐመልማለ ወርቅ ክዳኑ፤
በከመ ዳዊት ይዜኑ፤
ማርያም ድንግል ለያዕቆብ ሞገሰ ሥኑ፤
በልኒ እግዝእትዮ አፈቅረክ አኮኑ፤
እንዘ ረዳኢትከ እነ ዘይክለከ መኑ።

መልክኦ ማርያም

ሰላም ለከርሥኪ ዘኣፈድፈደ ተበጽዖ፤
እምታቦተ ሙሴ ነቢይ ለጽሌ ትእዛዝ ዘየጎብኦ፤
ማርያም ድንግል ጊዜ ጸዋዕኩኪ በኣሰተብቑዖ፤
ለፀርየ ብእሴ ዐመፃ ጎይለ ዚኣኪ ይጽብኦ፤
እስከነ ያስቆቁ ጥቀ ድጎሪተ ገቢኦ።

መልክአ ማርያም

ሰላም ለልብኪ እምነ በቀል ርኅቅ፤

አምጣን ዐረብ ወሠርቅ፤

ማርያም ድንግል ገነተ ጎሩያን ደቂቅ፤

ክድንኒ ልብሰ ከብካብ ለቅኑይኪ ዕሩቅ፤

ከመ ጳደሬ ጽጌሁ ዘወርቅ።

መልክአ ማርያም

ሰላም እብል ለኩልያትኪ ክልኤ፤
ዘቅብዐ ክህነት ቀርን ወዘወይነ ትፍሥሕት ግምኤ፤
ማርያም ድንግል በልኒ ቅድመ ጉባኤ፤
ሕፃንዮ በእንቲአዮ ይከውነከ ረዳኤ፤
እመራደ ፀርከ ሕቀ ኢትፍራህ ትንሣኤ።

መልክኦ ማርያም

ሰላም ለሕሊናኪ ሐልዮ ሠናያት ልማዱ፤
ወገቢረ ምሕረት መፍቅዱ፤
ማርያም ድንግል ለዳዊት ወለተ ወልዱ፤
ንዝሕኒ በአዛብኪ ዘኢይትረከብ ዘመዱ፤
ወበማየ ሕይወት ሕፁብኒ እምበረድ እጻዕዱ።

መልክክ ማርያም

ሰላም ለአማኑታኪ ለነበልባለ ኀዘን ዘአውዑ፤
አመ ወዐለ ወልድኪ ስቁለ በቀራንዮ፤
ማርያም ድንግል ፀምረ ጠል ዘተነብዮ፤
ጌጋይዮ ለአስተሥርዮ፤ እንተ አልብኪ ተፈልዮ፤
በሥርዓተ ካህን ላዕሌዮ እንኒ ጸልዮ።

መልክክ ማርያም

ሰላም ለንዋዩ ውስጥኪ አምሳለ ንዋያ ለደብተራ፤
ስብሐተ ልዑል ዘይሣውራ፤
ማርያም ድንግል ትምክህተ ደቂቃ ለሳራ፤
ባልሕኒ ወለተ ቅስራ ፣ ለዓለመ ጽልመት እምጸኝራ፤
እስመ መቃን ወጠዋይ ምሕዋራ።

መልክአ ማርያም

ሰላም ለንዋየ ውስጥኪ አምሳለ ንዋያ ለመቀደስ፤
ንዋይኪሰ ኢየሱስ ክርስቶስ፤
ማርያም ድንግል ዘገዳመ ሲና ጳጦስ፤
ከመ ያንቅሐ ለልቦ ዘፋኒ ናብሊስ፤
ፍቅርኪ ያንቅሐኒ በሥጋ ወነፍስ።

መልከክ ማርያም

ሰላም ለኅንብርቱኪ ከመ ማዕከክ ርእየቱ፤
ዘኢየሕርቅ እምቱሰሐቱ፤
ማርያም ድንግል ለካህን ዕፀ ኅርየቱ፤
ከመ ኢይኩን ጽሩዐ ንባበ አፉየ ዝንቱ፤
በጽዋዐ ኪሩብ ደዲሶ ወሠጢሶ ሎቱ።

መልክአ ማርያም

ሰላም ለማኅፀንኪ ለእግዚአብሔር ማኅፈዱ፤

ዘሐነጸኪ የማነ እዱ፤

ማርያም ድንግል ምዕዝት ዘእምናርዱ፤

ኅቤኪ ያንቀፀዱ ለረኪበ ኩሉ መፍቅዱ፤

ምስለ ካልኡ ዐይንዩ አሐዱ።

መልክአ ማርያም

ሰላም ለማኅፀንኪ ለእግዚአብሔር ዘውጉ፤
ብዑድ ሥርዐቱ ወፍሉጥ ሕጉ፤
ማርያም ድንግል ለአስካለ ሕይወት ሐረጉ፤
በልኒ እግዝእትየ ኅጢአተክ ኀደጉ፤
ወማኅልየክ ሰማየ አዕረጉ።

መልክክ ማርያም

ሰላም እብል ለድንግልናኪ ዕጽው፤
እንተ እምኔህ ሠረቀ ፀሐየ መለኮት ኅትው፤
ማርያም ድንግል ዘሥነ ንጽሕኪ ፍትው፤
ለኅዲር በበፍናው በአህጉር ወበድው፤
ዕቀብኒ ወለቶሙ ለኄራን አበው።

መልክክ ማርያም

ሰላም ለሐቋኪ በትረ ሌዋዊ ሣውዕ፤
ዘኢሐፀነኪ ጠል ወዘኢሰቀየኪ ነቅዕ፤
ማርያም ድንግል እግዝእተ መላእክት ወሰብእ፤
ሰድኒ ብሔር ፍግዕ በትንባሌኪ ባቀሥዕ፤
ምስለ ኅሩያንኪ ደርገ አህሉ በስንዕ።

መልክኦ ማርያም

ሰላም ለአቀሩያጽኪ እለ ይነብራ ድርገተ፤
እምነ አብራክኪ ላዕለ ወእምነ ሐቄኪ ታሕተ፤
ማርያም ድንግል እንተ ኢተአምሪ ርሰሐተ፤
ጽባሐ ወምሴተ ኩሎ ዕለተ፤
ዘይሰማዕ ምሕረተኪ ግበሪ ሊተ።

መልክአ ማርያም

ሰላም ለአብራክኪ በሰብሐተ ልዑል ዘአስተብረካ፤
እምአመ ወሀቡኪ ብፅዕ ውስተ ኦሪታዊት ታዕካ፤
ማርያም ድንግል መንበር ዘእብነ ፔካ፤
ጊዜ ሰደቶሙ ለኃጥአን እምዐፀደ ዐባይ ፋሲካ፤
ዔውውኒ መንገሌኪ እኩንኪ ምሕርካ

መልክክ ማርያም

ሰላም ለአእጋርኪ እለ ጸመዋ በረዊጽ፡
እምቤተ ልሔም ዘይሁዳ እስከ ምድረ ግብጽ፤
ማርያም ድንግል ሥርጉተ ነበልባለ ዕፅ፤
ለጉዲር በቤተ ናሕስ እንተ መልዕልተ ከኩሉሕ ሕኑጽ፤
አጥብብኒ በተግሣጽ ወሱቅኒ እምዳኅ፡፡

መልክኦ ማርያም

ሰላም እብል ለዘዚኦህ ሰኰና፤

ዘኢድኅፀ በውስተ ፍና፤

ማርያም ድንግል ትምእርተ ኪዳን ቀስተ ደመና፤

አምዕዝኒ በዕፍረትኪ ወጸግውኒ ጥዲና፤

በከመ ትገብር እም ለንኡስ ሕፃና።

መልክኦ ማርያም

ሰላም ለመከየድኪ እለ ረከቦን መከራ፤

እምፍርሐተ ቀተልት ሐራ፤

ማርያም ጽዮን ታቦተ ቃለ ጽድቅ መንፈቀ ዕሥራ፤

ዕጐላት እምዕጐሊሆን ከመ ኪያኪ አፍቀራ፤

አፍቀርኩኪ አፍቅርኒ እምይእዜ ለግሙራ።

መልክክ ማርያም

ሰላም እብል ዘእኢጋርኪ አፃብዐ፤
ሐሳብ ኅልቆን ዘኮነ ምስለ ሰድሶ ርብዐ፤
ማርያም ድንግል ዘተሰመይኪ ምስዋዐ፤
በረዊጽ ወበጉጉዓ ፣ አፍጥኒ መጺኡ፤
ሶበ አፋየ ስመኪ ጸውዐ።

መልክክ ማርያም

ሰላም ለአጽፋረ እግርኪ ዘኢፈቀዳ ለሥርጋዌ፤
ጥምቦታተ ኅምር ምድራዌ፤
ማርያም ድንግል ሐውልተ ስምዕ ዘወልደ ነዌ
ሠቅኒ እምትንታኔ ወባልሕኒ እምኣርዌ፤
ላዕለ እምየ ዘአምጽኦ ደዌ

መልክኦ ማርያም

ሰላም ለቆምኪ በቀልተ ዘተመሰለ፤
ኀበ መሐዘ ማይ ዘበቄለ፤
ማርያም ድንግል እስኣለኪ ሰኢለ፤
ኢይረድ ታሕቲተ ምጥቅኒ ላዕለ፤
ኢረከብኩ በርኅራኄ ከማኪ ዘብዕለ።

መልክአ ማርያም

ሰላም ለመልክዕኪ ዘተሠርገወ አሚረ፤
ዘያበርህ ወትረ፤
ፍቅርትዮ እንቲ እንተ ታበድሪ ፍቅረ፤
አርእይኒ ገጸ ዚአኪ ማርያም ምዕረ፤
ዘኢይሰምዖ ካልእ እንግርኪ ነገረ።

መልክአ ማርያም

ሰላም ለፀዑት ነፍሶኪ እንበለ ጸዕር ወጸማ፤
ለነቢር ዘልፈ በየማነ ወልድኪ ፌማ፤
ማርያም ድንግል ለባሲተ ሞገሰ ወግርማ፤
አጽንዒ በረድኤትኪ ለሕይወትዮ ድካማ፤
እምሕይወተ ኄራን አበው ኢታሕጽጺ ዐቅማ።

መልክአ ማርያም

ሰላም እብል በድነ ሥጋኪ ጽሩየ፤

ዘተመሰለ ባሕርየ፤

ማርያም ድንግል ዐጸደ ወይንየ፤

ንስቲተ ለዕበይኪ እንተ አቅረብኩ ግናየ፤

ኢይትኅደግ ዲበ ምድር ምሥጢ ሰማየ።

መልክአ ማርያም

ሰላም ለግንዘተ ሥጋኪ በእደ ሐዋርያት አርጋብ፤
በአፈወ ዕፍረት ቅድው ዘሐሣበ ሢጡ ዕፁብ፤
ማርያም ድንግል ወለተ ኅሩያን ሕዝብ፤
ረሰይኩኪ እግዝእትዩ ህየንተ እም ወኣብ፤
ይሕፀነኒ ከመ ጥብ ፍቅርኪ ሐሊብ።

መልክክ ማርያም

ሰላም ለመቃብርኪ ለጌቱ ሴማኒ በመርሕባ፤
እንተ ይእቲ ለኢየሩሳሌም ቅሩባ፤
ማርያም ድንግል ለሀገረ መንግሥት ርግባ፤
ትትሜጦ ወርቀ እምያፌር ወጸበለ አፈው እምሳባ፤
ጌቱ ሴማኒ ለሥጋኪ ምስካባ።

መልክኦ ማርያም

ሰላም ለመቃብርኪ ለኢየሩሳሌም በአድያማ፤
እንተ ይእቲ ጌቲ ሴማን ሰማ ፤
ማርያም ሰንበት ዕረፍተ ዕረፍተ ጽዑራን እምፃማ፤
አመ ኀደረ ላዕሌኪ ፀሐየ ቅዱሳን ዘራማ፤
ኀይለ ልዑል ጸለለኪ በመንከር ግርማ።

መልክአ ማርያም

ሰላም ለፍልሰተ ሥጋኪ መካነ ፍሥሐ ምጡቀ፤
በአጎላነ ሳሕርይ ዘተነድቀ፤
ማርያም ደብተራ እንተ ኢትትከደኒ ሠቀ፤
ጽሐፊ ውዳሴኪ እምኢኅልቀ ሶበ ኮነ ጥቀ፤
ዝናመ ክረሞት ቀለመ ወሰማየ ረቀ።

መልክክ ማርያም

ሰላም ለፍልሰተ ሥጋኪ ወለተ ንጉሥ ይሁዳ፤
ወወለተ ሌዊ እጉሁ ዘሀብተ ክህነቱ አገዳ፤
ማርያም ድንግል ምዕዝት ዘእምጽጌ ረዳ፤
በጽሒፍ ኢይፌጽሞ ለሰብሐትኪ እንግዳ፤
እመ ኮነ በቅድሚያ ስፍሐ ምድር ሰሌዳ።

መልክክ ማርያም

ሰላም ለፍልሰተ ሥጋኪ ደባትረ ብርሃን ንበ ተተክሉ፤
ለገነተ ጽባሕ በማእከሉ፤
ወደስት ኣንቲ ወስብሕት በኣፈ ኩሉ፤
እምነ ዳድቃን ዘታሕቱ ወእምትጉሃን ዘላዕሉ፤
ማርያም ለኪ ስብሐተ ኣደሉ።

መልክኦ ማርያም

በዝንቱ ቃለ ማኅሌት ወበዝንቱ ይባቤ፤
ለዘይሰጸለኪ ብጸሲ ጊዜ ረከቦ ምንዳቤ፤
ብጽሐ ፍጡነ ትሰጠዊዮ ዘይቤ፤
ማርያም ዕንቅሩዮ ክርስቲሎቤ፤
ወምዕዝተ ምግባር እምክርቤ፤
ዘጸገዮ ማኅንፀኪ አፈወ ነባቤ።

መልክኦ ማርያም

ሰብሐት ለኪ ማርያም በኅልወ ኰሊ ሥዕርትየ፤
ሰብሐት ለኪ ማርያም በኅልወ ኰሊ ኦዕፅምትየ፤
ሰብሐት ለኪ ማርያም በኅልወ ኰሊ ዘተርእየ፤
ሰብሐት ለኪ ንግሥትየ በኅልወ ኰሊ ዘኢያስተርእየ፤
ሰብሐተ ድንግልናኪ ዘልፈ ይነግር አፉየ።

መልክክ ማርያም

እግዚብሔር ኀቤኪ ፈነወ ቃሎ፤
ገብርኤልሃ አስተማሲሎ፤
ማርያም አምላክ ዘወለድኪ በተደንግሎ፤
ሰላም ሰላም ወሰላም ዕብሎ
ለመልክዕኪ ፈጺምየ ኩሎ።

መልክክ ማርያም

ለዘኢያፌቅረኪ እግዝእትየ ማርያም ውኩፊ ኢይኩን
ጸሎቱ፤

ይትገዘም ኑህ ዓመቱ ወይጥፋኝ በከንቱ፤

በአፈ መላእክት ወሰብኝ ይትረገም ለለሰዓቱ፤

ዘአስተማሰሎ በተውኔት ለማኅሌተ ንግሥኪ ዝንቱ፤

ጌጋዩ ወኃጢአቱ ኢይትኃደግ ሎቱ::

ኦ እግዝእትየ ማርያም ዕቀብኒ ወአድኅንኒ እመከራ
ሥጋ ወነፍስ ሊተ ለገብርኪ_____